



Aasiaat, 1. februar 2016

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

(Inatsisartuni ilaasortaq, Ane Hansen, Inuit Ataqatigiit)

Apeqqutit:

- 1. Qimmit nappaalalernerani uumasut nakorsaata sillimanginnera Naalakkersuisup qanoq iliuseqarfiginiarpa?**
- 2. Naalakkersuisoqarfik kommuninut nakkutilliinermini malittarisassaqarpa?**
- 3. Suliassat maangaannaq nakkaqqunagit naalakkersuisoqarfiup aamma kommunip akisussaaffii malittarisassiuullugit ersarissarnikuuppat?**
 - a. Taamaattoqangippat malittarisassiuussinissaq pilersinniarneqarpa?**
 - b. Pilersinniarneqangippat suna tunngavigineqarpa?**

Tunngavilersuut:

Naalakkersuisoq iliuseqartariaqarpoq, uumasut nakorsaqaarnikkut ajornartorsiutit ulluni makkunani tusagassiorfitsigut saqqummersut akuerineqarsinnaanngillat.

Qeqertarmi qimmit nappaalallutik toqoralermata uumasut nakorsaata sillimaniarfissanut taamak piarersimangitsiginera akuerineqarsinnaanngilaq. Uumasut nakorsaqaarnikut inisisimaneq sivitsortumik ajornartorsiutaavoq, tamannalu Naalakkersuisup akisussaasuusup iliuseqarfigisariaqalerpaa.

Avannaani qimmit piniarnermi pingaaruteqartupilussuupput qimmit nappaalalersinnaanerat uumasut nakorsaata sillimaniarfissaani pingaarnerpaat ilagisariaqarpaat. Ullunilu makkunani pisut takutippaat uumasut nakorsaata sillimaniarnikkut qanoq pitsaangilluinnartigisumik inisisimaneq tamanna akuerineqarsinnaanngilluinnarpoq. Uumasut nakorsaat minnerpaamik nappaalanernut akiuiniapallassinnaanissaq sillimaffiginiarlugu najoqqutassanik ersarissakkamik oqartussaasut allat peqatigalugit pilersaaruteqartariaqarpoq, akisussaaffiillu qanoq agguarneqarsimanissaat pisuni taamaattuni nalornissutigineqartussaannngilaq.

Uumasut nakorsaata sulinera nunarput tamakkerlugu naammaginangilluinnartuq paasisimalerparput Kujataani uumasut nakorsaqaarnikkut ajornartorsiutit aamma eqqarsaatigalugit. Uumasut nakorsaqaarnerup iluarsartuuteqqinnissaa pisariaqarluinnartutut isigarput tamannalu Naalakkersuinikut piaartumik iliuseqarfigineqartariaqartutut isigaarput.

Ullut suliffiusut qulit iluanni apeqqutima akineqarnissaat kissaatigaara.